

Nam electio non simpliciter est, sed alterius ad alterum. Vnde considerationem, consiliumque requirit: & proinde ex opinione consultativa constituetur. Neque enim de fine, qui rebus omnibus quidam propositus est, sed de iis, quæ ad finem, suscipitur consultatio. Id vero omnes consultamus, donec ad nos transtulerimus generationis principium. Quod si nemo eligit, nisi re prius consultata, expensaque, melius sit, an deterius, volunt autem quæ possibilia nobis sunt, non quæ ad finem, erit electio, cupiditas rerum penes nos sitarum, deliberativa. Enim aero omnes, quæ eligimus, eadem volumus, nec tamen quæ volumus, omnia eligimus. Porro deliberatiua facultatem voto, cuius principium est consultatio, quæ & concupiscit, id quod vtile decreuerit. Quapropter nec reliquis animantibus, nec omni statu, aut homini electio inest, eò quod nec consultare, nec causam quare quid cœnias, iudicare queat. Opinationem tamen faciendumne quippani sit, nihil vetat pluribus inesse, sed ratione perspicere, nequaquam. Animis enim pars deliberativa, rationes, causasque vestigat. Nam si cuius gratia, vna ex causis existit, (haec quare quid, causa est, & id, cuius gratia quid est, aut sit: ut perfectionis, facultatum comportatio, quandoquidem eius gratia proficiuntur) constat, eos, qui proposito fine carent, consultationi parum idoneos esse. Quapropter cum quis facit, aut neglit, quæ penes nos sunt et faciamus, vel non faciamus, idque non ignoranter, volens utique, aut facit, aut non facit. Ceterum multa eiusmodi circa consultationem, præcognitionemque exigimus. Vnde necessum, omne eligibile voluntarium esse, non autem voluntarium statim eligibile: item quæ ex electione fiunt, omnia voluntaria sunt, non autem voluntaria omnia iuxta electionem. Similiter ex his manifestum, affectiones rectè in voluntarias, inuoluntas, & consultatas distribui: quæ esti non sunt accurata, veritatem tamen modo aliquo attingant: verum deinceps de his in tractatu de iustis. Electione igitur nec voluntatem simpliciter, nec opinionem esse patet, sed opinionem cum appetitione, quando ex consultatione concurrunt.